

Inatsisartut aaliangiiffisassaattut siunnersuut, Naalakkersuisut peqquneqassasut aningaasaqarnermut inatsimmi 17- meersussami , Narsami 300m² -isut angitigisumik illu nutaaliordiup pilersinneqarnissaanut pingaarnersiullutik aningaasanik immikkoortitsitsissasut. Illu nutaaliordiup nutaaliordneq ingerlatissavaa aammalu inuussutissarsiutinik nutaanik siuarsaanissamut ilaatigut takornariaqarnermut suliniutinik nutaanik, nioqqutissanik ineriartortitsinermit , nunatta pissarititaa aallaavigalugit atorneqassalluni, taamaasillunilu imminut pilersornerulernissamut aammalu nunatta kujataani pisuussutinik uummaatsunik uumassusilinnillu atorluaaneq pilersinneqarsinnaalluni. Illu nutaaliordiup ingerlanneqarnera Namminersornerullutik oqartussat ingerlatissavaa.

(Inatsisartunut ilaasortaq Aqqaluaq B. Egede, Inuit Ataqatigiit)

Akissut

Inuussutissarsiutinut , Suliffeqarnermut , Niuernermit aammalu Nunanut allanut tunngasunut Naalakkersuisoq.

Siullermeerinnineq

Naalakkersuisut sinnerlugit inatsisartunut ilaasortaq Aqqaluaq B. Egede aaliangiutissamut siunnersuuteqarnera qutsavigissavara.

Naalakkersuisut aallartissaasut pilersitserlaallu atugarisaannik pitsanngorsaajuarnissaq siunertaraat, aallartisaanerimmi ilaatigut suliffinnik pilersitsisarput aammalu siunissamut siuariartormik malitseqartarmata. Siornatigut Sisimiuni Maniitsumilu illunik nutaaliordfinnik misileraasoqarnikuvoq. Misilittakkalli takutissimavaat inuussutissarsiutit pillugit nunattalu isorartussusaa eqqarsaatigalugu suliniutit siammasippallaarsimanginneri. Nutaaliordneq pissanganartumik ineriartortinneqassappat pisariaqartinneqarput nutaaliordluni pilersitsisartut isornartorsiuinermik tunioraassinnaanerat , imminnut isumasioqatigiissinnaanerit illulu nutaaliordfinni immersuillutik ingerlatsisinnaanerit. Naalakkersuisut isumaqarput nutaaliordnermi sinaakkutarineqartut pitsaanerpaasariaqartut, inuussutissarsiutit sorliunersut nunamilu sumiittuuneq apeqqutaatinnagit. Taamaattumik nutaaliordluni suliaqarneq nutaaliordtut akornanniiginnanginnissaa siammasissumilli nutaaliorsinnaaneq ,suliffeqarfik mikigaluarpit angigaluarpalluunniit apeqqutaatinnagu, qulakkeerneqassaaq.

Aningaasanut inatsimmi 2016 - meersumi Naalakkersuisut aaliangiutissatut siunnersuuteqarnikuupput inuussutissarsiutit siuarsarneqarnissaannut aallartissanermik piffissalikkamik ingerlatseriaatsimik. Nutaaliordluni aallartisaanerup siunertarivaa aallartissaasoq pisariaqartitaminik siunnersorneqarnissaa aammalu ukiut ataaseq - marluk ingerlanerani ikorfartorneqarsinnaanerata qulakkeernissaa , taamaasillunilu suliffeqarfiup siuariartornissaanut suliffinnillu pilersitsinnaaneranut periarfissiissalluni.

Nutaaliorluni aallartisarnerup (Inkubationsforløb) aallaavigissavaa aallartisaasut ataasiakkaat ineriartortitsinermut allisaanermullu ikorfartornissaat , suliffeqarfimmullu tunngasunik isumassarsianik nutaanik ikorfartuutaanissaq. Aammattaaq anguniagaavoq aallartisaasut inuit piginnaanillit pilersillugillu piujuaannartuunissaat aammalu Kalaallit Nunaanni tamani aallartisaasut akornanni attaveqatigiinneq nukittorsarneratigut ilisimasanik misilittakkanillu avitseqatigiissinnaanissaq.

Naalackersuisut naliliipput Narsami Illu nutaaliorfik pisariaqartitanik kinguneqartitsinavianngitsoq , illoqarfinnimi allani misilittakkat takutereerpaat Illu nutaaliorfinni isornartorsiuisinnaasunik aammalu ikorfartoqatigiissinnaasunik amigaateqartarnerup illut ingerlaneri ajornakusoortittaraat. Naalackersuisut piumasarivaat Illunik nutaaliorfinnik qitiusunik ataasiakkaanik sananermiik, nunatsinni nutaaliorniartut tamarmik assigiimmik periarfissinneqarnissaat, siunnersorneqarnikkut , avitseqatigiinnikkut aammalu attaveqatigiinnikkut sumi najugaqarneq apeqqutaatinnagu.

Oqaaseqaatit uku atorlugit siunnersuutip itigartinneqarnissaa inassutigaaara.